

Օրս Շաբաթ (26 Մայիս). Էջմիածնի թապալսն ըսնեցի ի մեր ժամս փոխանակ Մղտեսուն:

Իչիս Մեծահրաշի Կիրակի: Օրս եազի եղև տունանմային: Եւ օրս Առաջնորդին մօտն գնացի, և յայնմ ժամուռն եկին ժողովուրդն Արզրումայ քաղաքին որ աստ էին վաճառականք՝ առ Առաջնորդն թէ Վասն է՞ր ոչ թողուս զՍարգիս վարդապետն յեկեղեցիս. և նա բազում պատճառս եղ վասն նորա և ևս թուղթ հանեալ թէ Հոգևորտէրն զգա բանադրեալ է. և նոքա հաւատացեալ՝ ելեալ գնացին: Եւ Սարգիս վարդապետն կամէր բազում ինչս առնել նմա և ոչ թողին արք ոմանք ի մէնջ առնել զայն՝ զկրակն մարելով. և նա ելեալ գնաց ի Պուրսա և անախ յաթոռն իւր յԱրզրում, որ էր առաջնորդ յայնմ նահանգի:

Իչի օրս (28 Մայիս) արք ոմանք պուլրուլթու առին ի վէզիրէն վասն շինութեան եկեղեցոյն մեր. ոչ կարացին յառաջացուցանել:

Իչի օրս (30 Մայիս) Սօճա Աւէտի փետան եկն վաճառականութենէ և եբեր (պարտ) թէ Փիլիպպոս կաթողիկոսն վաղջանեցաւ ի Տէր Մարտի ԻԴին՝ պահոց չորրորդում Շաբաթի աւուրն տօնի Ս Մանկանցն, և եղեալ են ի տեղի նորա զՅակոբ վարդապետն:

Յունիս ամիս օր Ուրբաթ:

Եւ այգուցս (2 Յունիս) ասացին թէ Տօնանման ելանելոց է¹⁾, և ամենեքեան ի սէլիբ գնացին ի ծովեզերքն և ի ծովեզրն որ յայն կոչս՝ որ ասի Յնտախի: Յայնմ տեղուջ ի սէֆէր գնացողացն զմի սէլիբ անողքն²⁾ եհար և սպանաւ. և թէ յամենայն տեղիս, թէ ի մէջ քաղաքիս և թէ ի դուրս, ոչ զնէին պահապանք՝ բազում ոճիրս գործէր ի նոցանէ մինչ երթային: Ոչ

1) Ելանոց է.

2) առողին.